

Իսկ տաճարի մէջ բեմի շրթունքի վրայ երկտող արձանագիրը զոր Ջալալեանց այսպէս է արտագրած . «Յիշեցէք ի Քր, ըրստոս զՋուղայ դաշտեցի Բանդորի որդի ճահան ճահ Վէլի . արդ ես , ծնողն իմ և կողակից հրամանաւ սրբազան Կաթուղիկոսին էջմիածնի շինեցի , եկի ձամախի առաջնորդ , կանգնեցի զվարագոյր և զբեմն եկեղեցւոյն , ՌՃԻԵ (1676) :

Իսկ ես քանիցս զգուշութեամբ և ճշգութեամբ նայելով հետեւեալ բրուածը գտայ .

«Յիշեցէք ի Քրիստոս զՋուղայոյ դաշտեցի¹⁾ Բանդուրի որդի Խօջայ Շահվէլին . որ շինեաց զբեմն և զգուռն յիշատակ համօրէն ննջեցելոցն . թվ. ՌՃԿԶ» : (1717):

Այս արձանագիրը քանիցս ստուգել տուի և Բագուայ և ձամախոյ եկեղեցական գպրոցաց ուսուցչաց : Այս արձանագրից ներքեւ բեմի ճակատին կայ և ուրիշ արձանագիր , որոյ մէջ հազիւ կարդացվում են էջմիածնայ Աստուածատուր Կաթուղիկոս և Զիրուանայ առաջնորդ Պօղոս վարդապետ . թվ. ՌՃԿԱ . (1712) :

¹⁾ Ջուղայու Դաշտ գիւղն է Հին Ջուղայու ներքեւ մեծ կամրջի մօտի տափարակ տեղը «Գիւլիստան» անուանեալն այժմ , որոյ շինութիւնքն ձրգուելեն մինչեւ այժմեան մաքսատան մօտերը , ուր գետինը փորելու երեւեցան 1881 թուին եկեղեցին և մի քանի շինութիւնքն , ըստ որում Հին Ջուղայն սարերի և ձորերի մէջ է շինուած . ուստի և յիշեալ Գիւլիստանին Ջուղայու Դաշտ են անուանել . ինչպէս և Ագուլիսը ունի իւր դաշտ գլւղը , որ է ներքին Աքուլիսը , և այս և Ջուղայի դաշտը են Այգեստանին , ուր բնակեալ են Ջուղայու և Ագուլեաց երեւելիքն : Կռունկ Հայոց աշխարհի 1863 - ապրիլ . յերես 322 :

«Աղբիւր ազգային արդեանց պատմութեան . Յովսէփ Կաթուղիկոսի յիշատակարանից :

« Ի 1779 ամի , ի Հաշտարխանու ելեալ գնացաք ի Մոսկով և անտի գնացաք ի Պետերբուրգ վասն օծութեան չքնադաշէն եկեղեցւոյն նորին . զոր կառուցեալ էին Ջուղայու դաշտցի Նղիազարեանց Եղիազար Ազնիւ աղայի որդիքն , Ազնիւ աղա Մինասն և աղա Յովհաննէսն և աղայ Յովակիմն և :